

RELATÓRIU
FISKALIZASAUN MUNISÍPTU MANUFAHI

I. INTRODUSAUN

1.1. Enkuadramentu Legal

Komisaun G ne'ebé trata assuntu Edukasaun, Juventude, kultura no sidadania, Parlamentu Nasional realiza visita fiskálizasaun baseia ba art. 92, art. 95, n.º 3 alínea e), kombinadu ho art. 145 n.º 3) husi Konstituisaun RDTL, no mos baseia ba art. 35 alínea c), kombinadu ho art. 79 alínea f) husi Rezimentu Parlamentu Nasional.

Bezeia ba artigu hirak refere iha leten, Komisaun defini no hatu'ur planu visita fiskálizasaun komisaun nian ba tinan 2019, Planu ne'e hatur hanesan meiu ida atu inteira no aprofunda progressu no dezafius ne'ebé governu sentral no governo lokal infrenta iha implementasaun programa ne'ebé kontempla ona iha Lei Orsamentu Jeral do Estadu no fasilita servisu komisaun nian ba prosesu akompanhamentu servisu linha Ministeriais espesifika liu relasiona ho ezekusaun orsamentu 2019 iha terenu.

Haktuir ba planu anual atividade tinan 2019 refere, Komisaun G delibera planu visita fiskálizasaun ba munisípius, liu husi reuniaun komisaun iha loron 07 Fevereiro 2019, iha diskusaun ba planu implementasaun programa fiskálizasaun refere komisaun desidi kalendaru ba atividades fiskálizasaun no assuntu prioridades liga ho area temática ne'ebé trata husi komisaun G, iha biban ne'e komisaun identifika prioridades hirak ne'ebé mak sai nudar topiku ba fiskálizasaun mak hanesan, prosesu aprendizajen iha eskola (Inklui infra-estruturas báziku ba apoio prosesu aprendizajen), programa merenda eskolar, sentro juventude no radio comunidade nebe'e iha munisípiu. Baseia ba oráriu visita fiskálizasaun ne'ebé delibera ona iha komisaun, loron 27 to'o 28 de Marsu 2019 komisaun G realiza visita fiskálizasaun iha munisípiu Manufahi.

1.2. Métopu Fiskálizasaun

1. Enkontru

Enkontru nudar meiu ida atu rona husi autoridades munisípiu relasiona implementasaun programa governu no hatene nia progresu no obstákulus durante implementasaun programa governu.

2. Observasaun

Hare besik liu prosesu implementasaun programa ne'ebé liga ho area tematika komisaun G nian mak hanesan edukasaun, juventude, kultura no sidadania espesifikamente iha prosesu aprendizajen no kondisaun infra-estrutura husi pre-eskolar, eskola báziku, eskola sekundariu, eskola tékniku vokasional ne'ebé fo apoiu iha prosesu aprendizajen em geral no rona direta progresus no desafiús husi gestor eskola sira durante implementasaun programa governu iha base liu-liu liga ba rekursu humanus, infra-estrutura fisiku, material didátikus no material seluk nebe'e liga ba prosesu aprendizajen .

3. Dokumentasaun

Rekolha informasaun liu-husi dokumentus digitais ne'ebé liga ho fiskálizasaun komisaun ba linha ministeriais no servisu munisipál sira relasiona programa no ezeekusaun orsamentu ne'ebé Parlamentu aprova.

II. OBJETIVU VISITA

Rona no hare besik liu servisu ne'ebé relasiona knar Komisaun G nian, liu-liu iha área edukasaun, juventude, kultura no sidadania, inklui rekursu humanu no kondisaun infra-estrutura ba apoiu prosesu aprendizajen, liga ho orsamentu 2019 ne'ebé aloka ba ministériu Edukasaun Juventude no kultura, Sekretária Estadu Komunikaun Sosial inklui orsamentu ne'ebé aloka ba servisu Edukasaun Munisipal nian ba tinan 2019.

Comissão de Educação, Juventude, Cultura e Cidadania

III. PROGRAMA VIZITA

27.03.2019, quarta-feira,

13h00 – delegasaun Komisaun G desloka husi Dili ba Manufahi.

28.03.2019, Quinta – feira,

09h30 – Visita ba Administrasaun Munisípiu Manufahi, hasoru malu ho administrador ho equipa husi Diresaun Edukasaun, Juventude no Kultura Munisípiu Manufahi no autoridades Munisípiu Manufahi.

11h45 – Visita ba Institutu Politeknik Betanu.

13h15 - Visita ba Universidade Dom Boaventura

01h45 – Almosu

15h30 - Visita ba sentru Juventude Manufahi

16h10 - Visita ba Eskola Tekniku Vokasional Kombatentes e Veteranus

16h35 – Visita radio comunidade Manufahi

17h30 – Visita Eskola báziku sentral Diligensia Manufahi

18h20 - Regressu mai Dili

IV. KOMPOZISAUN DELEGASAUN

Membro delegasaun ne'ebé mak desloka ba Munisípiu Manufahi ho misaun Fiskálizasaun kompostu husi:

1. **DEPUTADO SABINO SOARES “GUNTUR”** (Vice Presidente Komisaun G nudar xefe delegasaun)
2. **DEPUTADO GABRIEL SOARES** (Sekretaria Komisaun G)
3. **DEPUTADO DOMINGOS LOPES LEMOS** (Membro Komisaun)
4. **DEPUTADO ANTONIO VERDIAL DE SOUSA** (Membro Komisaun)

Comissão de Educação, Juventude, Cultura e Cidadania

5. **DEPUTADA GABRIELA ALVES** (Membro Komisaun)
6. **DEPUTADO FRANCISCO MIRANDA BRANCO** (Membro Komisaun)
7. **SIMPLICIO GOMES** (Tékniku Komisaun)
8. **FELISMINA DA CONCEIÇÃO FERREIRA** (Tékника Komisaun)
9. **PEDRO ANDRADE** (Asesor)

V. ATIVIDADES REALIZADAS

Membro komisaun G hala'o enkontru ho:

- a) Administradór munisípiu Manufahi, Diretor Edukasaun Munisipál Manufahi, equipa husi Diresaun Edukasaun, Juventude no Kultura munisípiu Manufahi no entidades seluk iha Munisípiu;
- b) Visita ba Institutu Politeknik Betanu (IPB) hala'o enkontru ho direktur IPB no observa prosesu aprendizajen no infra-estruturas IPB ;
- c) Visita ba universidade Dom Boaventura Manufahi, observa no halo enkontru ho vise reitor Universidade Dom Boaventura,
- d) Visita ba sentru juventude Manufahi no halo enkontru ho Diretor Sentru Juventude;
- e) Visita ba Eskola Tekniku Vokasional Veteranus no Kombatentes Manufahi ;
- f) Visita ba radio comunidade Manufahi
- g) Visita ba eskola báziku sentral Diligensia Manufahi;

VI. RESUMU AKTIVIDADES

1. Enkontru ho autoridades munisípiu Manufahi

Horário e prezensa:

Dia : 28/03/2019

Hora : 09h00- 11h45

Local : Sala reuniaun Administrasaun

Lista prezensa anexo.

Reuniaun hahu ho abertura husi Administrador Munisípiu hodi hato'o palavras bem-vindas ba delegasaun komisaun G no fo oportunidade ba Vise Presidente Komisaun G Senhor **SABINO SOARES "GUNTUR"** hodi hato'o intervensaun, Vise Presidente Komisaun G esplika kona ba funsaun Deputadu liga ho knar nudar fiskalizador nebe'e hatur iha Konstituisaun RDTL, no objetivu husi fiskalizaun ne'e rasik hodi hare no rona besik liu servisus nebe'e autoridade munisípiu hala'o, kondisoens infra-estrutura no prosesu aprendizajen iha Munisípiu Manufahi no kontinua fo oportunidade ba autoridades Munisipal Manufahi hodi apresenta progresus no desafijs durante implementasaun programa governu iha munisípiu refere, liga ho área temátika komisaun G.

1.1. Diretor Edukasaun Munisípiu Manufahi

Iha intervensaun Senhor Diretor Edukasaun Munisípiu Manufahi hato'o nia agredesimentu relasiona ho vizita komisaun G, tuir Diretor vizita ne'e mos hanesan oportunidade ba Membru Parlamentu sira bele akompanha no hare besik liu implementasaun servisu, desafijs nebe'e Edukasaun Munisípiu Manufahi infrenta relasiona ho ezekusaun progama governu nian hanesan :

1. Programa merenda Eskolar
2. Programa Konsensoens eskolar

Comissão de Educação, Juventude, Cultura e Cidadania

3. Infra-estruturas Eskolar

1.1.1. Programa merenda Eskolar

Tinan 2019 Orsamentu merenda eskolar nebe'e aloka ba Edukasaun Munisipiu Manufahi ho total \$. 188,341.50, nebe'e fahe ba Pre-Eskolar ho montante \$. 19,069.00, no ba Ensinu Baziku ho total \$. 169,272.50, husi total orsamentu ne'e inklui mos pagamentu ba fornecedoros, iha prosesu ezekusaun orsamentu merenda eskolar ba primeiru trimester Edukasaun Munisipiu utiliza dados alunus tinan 2018 hodi sai hanesan referensia no ba segundu, terseiro no quarto trimestrer ninian utiliza dados alunu tinan 2019. Edukasaun Munisipiu Manufahi hato'o proposta ba Administrasaun Munisipiu Iha inisiu tinan 2019, mai'be to'o final fulan Marsu orsamentu ba programa merenda eskolar refere seidauk tama ba konta Edukasaun Munisipiu, implementasaun lolos ba programa ne'e habu'u iha inisiu fulan Janeiro haktuir ba mata dalan programa merenda eskolar ninian, maibe realidade Edukasaun Munisipal tenke ezekuta iha fulan Abril 2019, iha ezekusaun ba programa ne'e Edukasaun Munisipiu hasoru obstaklu hanesan :

- a. Fos sentraliza iha Ministeriu Edukasaun no osan iha Edukasaun Munisipiu, bainhira osan iha maibe fos laiha, ho razaun fornecimentu fos nebe'e tarde Edukasaun Munisipiu desidi hodi oferese deit lanche ba alunus sira.
- b. Autorizasaun ba Gabinete Apoio Tekniku (GAT) hodi halo levantamentu osan ba merenda eskolar tuir deit lora letivas (tuir kalendariu edukasaun) nebe iha, GAT bele halo levantamentu ba osan foun bainhira relata ona gastus ba trimester anterior.

1.1.2. Programa Konsensoens eskolar

Relasiona programa konsensoens eskolar Edukasaun Munisipiu Manufahi ba tinan 2019 preve deit osan ba pre-eskolar, orsamentu ba ensinun baziku, ensinun sekundaria no eskola tekniku vokasional jere direktamente husi Ministeriu Edukasaun, maibe ezekusaun ba

Comissão de Educação, Juventude, Cultura e Cidadania

orsamentu refere hasoru mos desafijs, nebe'e lolos nia ezekusaun trimestral maibe seidauk ezekuta to'o izame primeiru trimestral.

1.1.3 Infra-estruturas Eskolar

Iha intervensaun direktur edukasaun munisipiu Manufahi mos hato'o nia precupasaun kona ba kondisaun infra-estruturas ba apoio prosessu aprendizajen hanesan eskola nebe'e hetan desastre, balu hetan ona apoio no balu seidauk iha manutensaun. Kondisaun husi 27 eskola nebe'e hari'i liu husi projetu pakote referendum nia kondisaun grave no edukasaun munisipal rekolha ona dados no hato'o ba Ministeriu Edukasaun. Relasiona ho facilidades eskola hanesan mesa no kadeira suficiente hela no konsege fo apoio mos ba eskola tekniku vokasional iha Munisipiu Ermera .

2. Ponto Vokal Sekretario de Estado Arte e Cultura (SEAC)

Iha reuniaun ne'e Ponto Vokal Sekretariu de Estado Arte no Cultura (SEAC) relata mos servisu nebe'e parte SEAC halo mak hanesan levantamentu patrimoniu arquitektóniku origin Português nebe ezisti iha Manufahi, dados relata ona ba Sekretariu de Estado Arte e Cultura SEAC. Ponto vokal SEAC mos prekupa kona ba atividades ba selebrasaun loron kultura nebe'e komemora iha loron 14 (Sanulu Resin Hat) fulan Outubru labele realiza hahu'u husi tinan 2017 ho razaun orsamentu laiha, ponto vokal SEAC mos informa katak administrasaun munisipiu entrega ona rai hektare 1 ba governu relasiona ho konstrusaun sentru kultural Manufahi nebe'e finaliza ona nia dezenho, maibe VIII governo adia fali konstrusaun refere ba tinan 2021.

3. Ponto Fokal Sekretario Estado Juventude e Desporto

Iha biban ne'e ponto fokal Sekretario Estado Juventude e Desporto (SEJD) mos relata orsamentu nebe'e SEJD apoio ba sentru juventude Manufahi hahu tinan 2016 to'o 2018 .

Comissão de Educação, Juventude, Cultura e Cidadania

Iha tinan 2016 SEJD fo apoiu osan ba sentru juventude Manufahi ho total US\$. 22,380 nebe'e utiliza ba servisu operasional sentru nian mak hanesan:

1. Selu insentivu ba equipa jestor nain 8.
2. Selu komunikasaun no eletrisidade inklui Perdiem ba equipa jestor nebe'e halo monitorizasaun ba atividades juventude iha sub-distritu.
3. Iha tinan 2016 SEJD mos fo apoiu ba osan ho montante US\$. 18,000, hodi apoiu atividades desporto komunitariu, osan refere atribui ba sub-distritu 4 (hat) ho montante US\$. 4,500.00, ba kada sub distritu.
4. SEJD mos fo apoiu ba *Community Base Organization* (CBO) ho total osan US\$. 9,000 ba grupu joventude sira iha posto, SEJD apoiu liu husi sentru juventude ba faze dahuluk fo apoiu US\$. 450 depois hare nia lalaok foin bele fo apoiu tan ba fase daruak nian, grupu sira ne'e iha area pekuaria no holtikultura.
5. Apoiu ba desporto komunitaria iha distritu Manufahi nebe'e mak realiza iha same vila ho total orsamentu US\$. 5,000

Ba tinan 2017 apoio nebe mak SEJD fo hanesan :

1. Total US\$. 20,380, nebe'e utiliza hodi selu insentivu ba equipa jestor nain 8, selu komunikasaun, utiliza hodi selu eletrisidade inklui perdiem ba equipa jestor nebe'e halo monitorizasaun ba atividades juventude iha sub distritu no apoiu mos ba formasaun kona ba *Life skills basic Education* (LSBE) no edukasaun sivika ba estudante Eskola Sekundaria Geral no eskola tekniku vokasional sira.
2. Apoiu ba interkambiu ba juventude husi postu 4 (hat) no atividade refere konsentra iha postu Same.
3. Apoiu ba selebrasaun loron Nasional Juventude (masakre Santa Krus iha loron 12 (Sanulu Resin Rua) Novembru ho total orsamentu US\$. 3,260.

Comissão de Educação, Juventude, Cultura e Cidadania

Iha Tinan 2018 SEJD fo apoiu ba fundus operacional ba sentru juventude Manufahi ho total US\$. 6,690, fundus operacional refere kobre atividade fulan Marsu, Outubro, Novembru no Dezembru, no SEJD kontinua fo apoiu ba formasaun LSBE no edukasaun sivika ba Esnsinu Sekundariu Geral no Eskola Tekniku Vokasional sira ho total osan US\$. 5,791.00.

Iha implementasaun servisu SEJD mos hasoru desafius hanesan

1. SEJD destaka Funsionaria nain 1 deit iha munisipiu Manufahi difikulta funsionaria refere hala'o nia knar.
2. Realizasaun kursu ba juventude sira infrenta problema tambá espasu husi sentru formasaun juventude la suficiente.
3. Laiha kampu ba atividade desporto hodi halao atividade hanesan (basket ball, voliball no futsal).

Iha fim husi enkontru ne'e Administrador Munisipiu Manufahi hato'o mos prekupasaun kona ba

1. Seidauk iha lisensa operacional ba Universidade Dom Boa Ventura, tuir Administrador katak universidade refere importante tambá bele fasilita povu Manufahi nia oan nebe'e laiha kbit hodi kontinua estudu iha Dili.
2. Kompetênsia nebe'e governu sentral fo ba munisipiu liu husi kontratu organiku ba deit Ministériu Edukasaun, la inklui SEJD no SEAC.
3. Kompetensia nebe fo entermus orsamentu operacional mak hanesan salario vensimentu US\$.155 mil (ba rejimi geral deit la inklui rejimi espesial) ba bens servisus US\$. 625 mil liga ho atividade rutina ou gastus fixu, merenda eskolar US\$. 512 orsamentu ba deit pre eskolar no EB (Publiku).
4. Ponto Fokal komunikasaun sosial utiliza deit jornalista RTTL nebe'e destaka iha distritu Manufahi hodi sai pontu fokal ba SEKOM, maibe seidauk iha orden servisu ou despaxhu mai husi SEKS.

Comissão de Educação, Juventude, Cultura e Cidadania

5. Prosesu reforma bazeia ou depende deit pedidu husi professores nebe'e tama ona idade reforma, maibe to'o agora seidauk iha despaxho ou desizaun ruma husi Komisaun Funsauun Publika ba funsionarius sira nebe'e tama iha idade reforma.
6. Orsamentu retroativu prosesu ona ba Komisaun Funsauun Publika no prosesu pagamentu retroativu ba profesores realiza maibe mosu desintendimentu tamba professores balun simu iha fulan Janeiru maibe balun to'o fim fulan Marsu seidauk simu.
7. Kontratu nebe'e munisipiu Manufahi asina ho Ministeriu Estatal desentraliza kompetensia ba servisu 8 (Ualu), maibe desentralizasaun ba deit servisu 6 (nen), servisu Teras Propriedades no MTCI seidauk desentraliza.

4. Visita ba Institutu Politeknik Betano (IPB)

oráriu no prezensa:

Loron : 28/03/2019
Hora : 12h15- 13h00
Lokal : Institutu Politeknik Betanu

Iha visita ida ne'e delegasaun Komisaun G hala'o enkontru ho Presidente Institutu politeknik Betano **Senhor Acasio Cardoso Amaral**, nebe'e informa kona ba istoria estabesimentu IPB, Institutu ne'e rasik pertense ba Propriedade UNTL (Universidade Nasional Timor Leste) nebe'e anterior governu planeia ba konstrusaun eskola Polo, maibe iha VI (Sexto) governu konstitusional iha desizaun hodi transforma eskola refere sai Institutu Politeknik Betanu.

Institutu Politeknik Betanu Hahu'u lansa iha 23 Fevereiro 2017 no habu'u ho total 283 estudantes, infra-estrutura apoiu nebe'e kuase minimu tebes no estrutura IPB nebe'e to'o agora seidauk kompletu. Iha fakuldade engenharia foin funsiona departamentu konstrusaun sivil maibe departamentu mekanika, eletronika no informasaun teknologia seidauk funsiona tamba falta rekursu no infra-estrutura.

Comissão de Educação, Juventude, Cultura e Cidadania

Iha rekrutamentu estudante foun ba tinan 2019, UNTL ho IPB kaer manual hanesan, no IPV prevé vaga foun ba tinan 2019 ho total 200 estudantes, razaun IPB desidi rekrutamentu la bele ultrapassa numeru ida ne tambá dormitóriu ba estudante sidauk iha, maibe iha prosesu rekrutamentu IPB hetan deit estudante hamutuk 164 la priense vaga nebe IPB projeta, 164 estudantes nebe'e rekruta husi IPB liu husi kanal A, B no C. Iha enkontru ne'e Presidente IPB mos lamenta kona ba dormitóriu ba estudante nebe'e laiha, prejudika governu tengki selu subsidiu alojamentu US\$. 30 dolar kada fulan ba kada alunu nebe'e tuir Presidente IPB katak osan ba alojamentu refere podia utiliza ba konstrusaun dormitóriu.

Hatan pergunta husi deputadus relasiona planu husi IPB rasik ba hadia no desenvolve funcionamentu instituto ne'e, Presidente IPB informa katak iha ona dezenhu no BOQ ba konstrusaun integradu husi IPB hanesan salas de aula, bibiloteca, laboratoriu no dormitóriu maibe planu hirak refere la aprova iha fase diskusaun komite revisaun orsamentu, no ida ne difikulta tebes prosesu apredizajen iha IPB, iha enkontru ne'e presidente IPB mos hato'o nia prekupasaun no difikuldades nebe'e infrenta hanesan :

1. Edifisiu 3 (tolu) ho Sala de Aula 9 (Sia) deit nebe'e obriga prosesu apredizajen tengke to'o tuku nen lokraik hodi bele akomoda kursu sira hotu.
2. Laboratoriu nebe'e iha básiku tebes difisil hodi responde ba pratika estudante iha laboratório ho razaun ne'e IPB estabese kooperasaun ho Camara de Comercio e Industria Timor Leste (CCITL) no Centro Formasaun (CEFOR) Tibar hodi akomoda estudante ba halo pratika.
3. Biblioteca iha maibe to'o agora livru seidauk iha, no gestor IPB propoin ona iha planu orsamentu maibe la konsege passa iha fase komite revisaun orsamentu.
4. Livru digital hanesan meu hodi hamenus problema livru nebe'e laiha, maibe ho kapasidade internet nebe'e ho velocidade kiik sai hanesan desafiis ba estudante sira bele asesu ba livru digital sira.

Comissão de Educação, Juventude, Cultura e Cidadania

5. Mosu lamentasaun husi estudante kona ba nível estudu (liga ho lei Base Edukasauan artigo 20) nebe'e limita politeknik oferese deit kursu ba diploma 1 e 2 la permiti diploma nebe'e as liu no tuir estudante sira nia hanoim katak lei ne'e hamate liberdade ba estudante hodi kontinua sira nia estudu.

5. Visita ba Universidade DOM BOAVENTURA

oráriu e prezensa:

Loron : 28/03/2019

Hora : 13h00- 13h30

Lokal : UNIVERSIDADE DOM BOAVENTURA

Iha visita ne'e delegasaun komisaun G hasoru malu ho vise reitor UVTL nebe'e esplika kona ba estrutura husi universidade no hato'o mos prekupasaun kona aprovasaun ba estatutu husi universidade ne'e nian. UVTL iha fakuldade 4 kompostu husi fakuldade Ekonomia, Agrikultura, Saúde Publiku no teknik, total dosente nebe'e hanorin iha universidade ne'e hamutuk 30 pessoas inklui estrutura universidade, Vise Reitor mos informa katak prosessu aprendizajen to'o ona semester dalimak no ba tinan letivu foun UVTL simu ona estudante hamutuk Lima Nulu (50) ba anu letivu foun maibe ho razaun despacho aprovasaun husi Governu ba UVTL nebe'e to'o agora seidauk iha sai mos obstakulu ba prosesu aprendijazen iha universidade ne'e.

Vise Reitor UVTL mos informa katak durante ejistensia UVTL mos hetan apoiu husi Veteranus Australia no apoiu computador husi rotary Club.

6. Visita ba Sentru Juventude Manufahi

Oráriu e prezensa:

Loron : 28/03/2019

Comissão de Educação, Juventude, Cultura e Cidadania

Hora : 15h35- 15h55
Lokal : **Sentru Juventude Manufahi**

Iha visita ne delegasaun Komisaun G hasoru malu ho Diretor Ezeutivo Sentru Juventude Manufahi no pontu vokal SEJD, iha sorumutu ne'e Diretor Sentru Juventude esplika kona ba istoria estabesimentu sentru, nebe'e inagura iha loron 26 Fevereiru 2018, no sentru juventude ne hetan apoiu liu husi parseria ho SEJD no ajensia internasional sira hanesan (Friends of Same, Caritas Australia, Banku Mundial, GIZ, UNFPA no KOIKA).

Ho apoiu hirak ne'e sentru juventude realiza atividades hanesan edukasaun sivika ba joven sira, *live skills basic education* (LBSE) ba joventude, agricultur livelihood, kursu komputador no kursu lingua inklui lian korea.

Iha enkontro ne Diretor Sentru Juventude hato'o mos prekupasaun kona ba espasu sentru juventude nebe'e ki'ik labele akumulada atividade nebe'e sentru ofereba ba juventude Manufahi.

7. Visita ba Eskola Tekniku vokasional Veteranus no Kombatentes Manufahi

Oráriu e prezensa:

Loron : 28/03/2019
Hora : 16h10- 16h30
Lokal : **Eskola TEKVOK Veteranus e Kombatentes**

Iha visita ne'e delegasaun Komisaun G halo observasaun ba Eskola Tekniko Vokasional Kombatentes no Veteranos, eskola ne'e utiliza edifisio antigu nebe'e konstrui iha tempu Português nebe'e ho nia kondisaun minimu tebes, eskola refere nebe'e fahe ba kursu 3 (tolu) mak hanesan Tekniku Turismu e Hotelaria, Tekniku Informatika no Tekniku Konstrusaun Sivil ho nia total alunos hamutuk 205 estudantes.

Comissão de Educação, Juventude, Cultura e Cidadania

8. Visita ba Radio Komunidade Manufahi

Oráriu e prezensa:

Loron : 28/03/2019
Hora : 16h35- 16h50
Lokal : Radio Komunidade Manufahi

Iha visita ne'e delegasaun mos observa diretamente atividades radio comunidade no halo entrevista ho xeve delegasaun nebe'e kolia kona ba objetivu fiskalizasaun nian.

9. Visita ba Eskola Báziku Central Diligencia

Oráriu e prezensa:

Loron : 28/03/2019
Hora : 17h10- 17h50
Lokal : Eskola báziku sentral Diligencia

Iha visita ne'e delegasaun Komisaun G observa diretamente Eskola Baziku Central Diligencia no akompanha husi Diretora Ajuntu husi eskola refere, total professores nebe'e hanorin iha EBC Diligencia hamutuk 19 professores inkhui mos professores ba eskola filial 2 (rua) nebe'e pertense mos ba EBC diligencia ho nia total estudantes hamutuk 1,309.

Comissão de Educação, Juventude, Cultura e Cidadania

VII. Konkluziun

Durante delegasaun Komisaun hala'o reuniaun ho Administrador Munisipiu Manufahi, Diretor edukasaun munisipal no entidades husi munisipiu Manufahi, husi servisu relevantes, no halo vizita observaun direta ba iha terrenu Komisaun konklui katak:

- Infra-estruturas fisiku ba apoiu proseso aprendizajen iha munisipiu Manufahi iha kondisaun nebe'e diak no balun impaktu husi desastre no persiza apoiu husi governu sentral hodi hadia ho nune'e bele fasilita proseso aprendizajen lao diak liu.
- Implementasaun ba programa merenda eskolar hasoru desafiun em termos nia implementasaun no nia infra-estrutura ba apoio programa ne'e no Ministeriu Edukasaun tengke resolve imediata.
- Desizaun Governu hodi estabelese Ensinu Superior hanesan Institutu Politeknik Betanu, maibe governu seidak kria facilidades hodi apoiu prosessu aprendizajen liu-liu liga ho facilidades ba pratika estudante nian.
- Repozisaun ba professores ne'ebé tama iha reforma hanesan prioridade ida ba kontinuasaun prosesu aprendizajen nian.
- Gestasaun ba alokasaun rekursu humanus (funsonarius) iha munisipius hanesan prioridades hodi ezejuta progarama governu iha base liu-liu Ministerius no Sekretaria de Estado nebe'e descentraliza ona poder ba munisipiu.

Comissão de Educação, Juventude, Cultura e Cidadania

VIII. Rekomendasaun

Ba Ministerio Edukasaun, Kultura no Juventude

- Rekomenda ba Ministeriu Edukasaun hodi prioritiza alokasaun orsamentu ba manutensaun infra-estrutura básiku ba apoio prosesu aprendizajen iha munisipiu. Manufahi nebe'e identifika persiza halo rehabilitasaun.
- Rekomenda ba Ministeriu Edukasaun atu revê politika implementasaun programa merenda eskolar em termos hadia birokrasia no infra-estrutura ba apoiu programa ne'e, ho ne'e programa refere bele fo impaktu ne'ebé diak ba ita nia beneficiarius (estudantes).
- Fo apoio politiku ba organizasaun non govermental nebe'e ajuda eskola sira liu-liu iha programa "School Garden".
- Aselera prosesu pagamentu retroativu ba professores nebe'e seidauk hetan pagamentu ba retroativu.

Ba Ministerio Ensinu Superior Siensia no Kultura (MESCC)

- Sosializasaun kriterius no rekeztus kona ba estabelsimentu eskola liu-liu ensinu Superior ho mune'e la bele prejudika estudantes husi ensinu superior nebe'e estabesidu.
- MESCC tengke estabese ou kria kondisaun ba Institutu Politeknika Betanu liu-liu liga ho infraestruturas ba apoiu estudante IPB.

Ba Sekretario Estado Juventude no Desporto (SEJD)

- SEJD presiza identifika nesesidades rekursus humanus nebe'e destaka iha munisipius hodi la bele prejudika implementasaun programa governu nian.
- SEJD presija kria kondisaun (fasilidades desportu) iha Munisipius nebe'e liga ho desenvolvimentu talentu ba desportu husi juventude.

Comissão de Educação, Juventude, Cultura e Cidadania

IX. Aprovasaun Relatóriu

Relatóriu visita fiskalizesaun komisaun iha Munisípiu Manufahi, le'e no aprova iha reuniaun datada 26 de Junho de 2019, ho votus 5 A favor, kontra 0 no abstenasaun 1.

Vice Prezidente Komisaun,

Sabinu Soares "Guntur"

Relator

Antonio Verdial de Sousa